



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

X. Hircus [...],

urn:nbn:de:hbz:466:1-16260

liberamur. Sed & hic Israelitici populi ex Aegypto in Chanaanidem reditus, typus fuit reditus Christi ex eadem regione in patriam. Unde & utrumque reditum una phos Ofeas significavit: Ex Aegypto vocavi Filium meum. Israellem quidem filium suum primogenitum appellat Deus in Exodo, & apud Jeremiam, quae Christo Jesu convenire ostendimus in Parallelismo.

Ose. 11. 1.
Exod. 4. 22.
Jerem. 31. 9.

Columna ignea, Manna, Rupes in deserto aquas fundens, 1. Cor. 10. 1. & seq.

IX. Paulus Apostolus in priore ad Corinthios Epistola, haec scribit: Nolo enim vos ignorare, Fratres, quoniam patres nostri omnes sub nube fuerunt, & omnes mare transierunt; & omnes in Moysse baptizati sunt, in nube, & in mari; & omnes eandem escam spiritalem manducaverunt, & omnes eundem potum spiritalem biberunt: (bibeant autem de spiritali conseqente eos petra, petra autem erat Christus.) Quibus intelligimus, & Nubem illam igneam Ebraeis praelucens, & caelo depluens Manna, & Petram quae ad tactum Moysi aquas fluxit, futurorum mysteria continere. Tunc baptizati sunt in Nube, ac deinde baptizati sunt in nomine Jesu Christi, ut saepe loquitur Lucas in Actis, unde liquidum est Nubem illam Christum typum fuisse. Quid quod & dux dicitur Christus a Prophetis, & lux, & ignis, ut docuimus in Parallelismo; quae in Columnam illam noctu nubilam, igneam interdiu conveniunt. Quid quod in Exodi decimo quarto capite Angelus Dei castra Israelitarum dicitur praecessisse, cum superiori capite, & nono Nehemiae, & Psalmo septuagesimo septimo, Deum ipsum se itineris ducem iis praebuisse legamus. Manna vero, panis caeli, & panis Angelorum appellatur in Exodo, & in Psalmis, non quod panis Angelorum, vel caelestis panis res ipsa esset, sed quod veri Angelorum panis, & de caelo lapsi, Jesu Christi figura esset. Sic ergo Jesus de se apud Johannem: Non Moyses dedit vobis panem de caelo, sed Pater meus dat vobis panem de caelo verum. Panis enim Dei est qui de caelo descendit, & dat vitam mundo. Et deinde: Ego sum panis vitae. Patres vestri manducaverunt manna in deserto, & mortui sunt. Hic est panis de caelo descendens, ut si quis ex ipso manducaverit, non moriatur. Vere enim hic est cibus caelestis, quo animos nostros refici decet, spiritus jam Aegyptiis cupediis, terrenarum videlicet rerum studiis. Tum subjicit: Ego sum panis vivus qui de caelo descendi. Si quis manducaverit ex hoc pane vivet in aeternum; & panis quem ego dabo, caro mea est pro mundi vita. Huc referenda sunt quae de Manna in libro Sapientiae scripta extant: Angelorum esca nutritivisti populum tuum, & paratum panem de caelo praestitisti illis sine labore, omne delectamentum in se habentem, & omnis sapientiae suavitatem. Substantia enim tua dulcedinem tuam, quam in filios habes, ostendebat; & deserviens uniuscujusque voluntati, ad quam quisque volebat, convertebatur. Dei substantiam Christum appellat, ut pote qui sit Splendor gloria, & figura substantiae ejus. Atque illud est absconditum Manna, quod vincenti daturum se pollicetur Spiritus in Apocalypsi, alludens ad Manna in aurea urna reconditum, & in Arca Testamenti asservatum. Nec veteres Judaeos fugit haec Manna significatio, nam id Philo esse docet Verbum divinum rerum omnium antiquissimum, τὸν ἀριστὸν τῶν ἰσχυρῶν θεῶν καὶ ἀθανάτων ἀθανάτων καὶ ἀφθάρτων ἀφθάρτων καὶ ἀκαταρτῶν ἀκαταρτῶν καὶ ἀκαταρτῶν ἀκαταρτῶν. Idem & Petram esse ait firmam & insubstantiam Dei sapientiam, ἀλτρίων ἐπιπέδων, qui incorrupta vitae appetentes sunt, τὴν σὴν πᾶν & ἀθάνατον σοφίαν θεῶν, τὴν ἰσχυρὴν, καὶ ἀννομήτων, & νομῶν ἰσχυρῶν ἐπιπέδων. Petram autem Christum esse dixit Paulus, τὴν πέτραν, videlicet & οὐκ ἐκδομένην. Quemadmodum enim in desertis & arenibus locis sitienti populo aquam percussa à Moysse rupes emisit, ita in squalida mundi hujus solitudine, hominibus caelestem gratiam sitiens, Jesus plagis ad mortem ictus largos de caelo divinae gratiae imbres aspersit. Quocirca sic ipse de se: Qui biberit ex aqua quam ego dabo ei, non sitiet in aeternum: sed aqua quam ego dabo ei, fiet in eo fons aquae salientis in vitam aeternam. Rursum: Ego sitienti dabo de fonte aqua viva gratis: quae jam attulimus in Parallelismo, cum fontem esse Jesum probarem. Consequitur autem nos Petra isthaec, cum gratiae suae donis nos prosequitur Christus, & se nobiscum futurum pollicetur omnibus diebus usque ad consummationem saeculi.

Exod. 14. 19.
Exod. 13. 21.
2. Eldr. 9. 12.
Psalm. 77. 14.
Exod. 16. 4.
Psalm. 77. 24.
25. & 104. 40.
41.
Joh. 6. 30. & seq.

Sapient. 6. 20, 21.

Ebr. 1. 7.

Apoc. 1. 17.

Phil. libr. pe-
jorem meliori
insidiari & libr.
Quis sit rerum
divinarum haec
res.

Joh. 4. 13, &
seq.
Apoc. 21. 6.

Matth. 28. 20.
Hircus ἀνθρωπίνος,
1. Petr. 2. 24.

Serpens
anus,
Joh. 3. 14.

Eph. 6. 16.

X. Quin & Hircus ille ἀνθρωπίνος, cujus capiti mala imprecabatur Pontifex, quique Israelitarum noxis velut onustus in loca sola abigebatur, Christum denotabat, Qui peccata nostra ipse pertulit in corpore suo; atque hac ipsi sarcina imposita, urbe Hierosolyma exactus, & ad mortem deductus est.

XI. Aneo serpenti, ad sanandos serpentium morsus proposito à Moysse in solitudine, se confert Jesus Dominus apud Johannem: Et sicut Moyses exaltavit serpentem in deserto, ita exaltari oportet Filium hominis, ut omnis qui credit in ipsum non pereat, sed habeat vitam aeternam. Quemadmodum enim serpentis hujus aspectus venerationem & adurentem serpentium vim extinguebat, ita peccati ac Diaboli, à quibus in ignem aeternum mergi possumus, in omnibus sumentes sentiam fidei, possumus omnia tela ignea extingueri. Per fidem enim intuemur Christum. Serpentium Israelitis infectorum